

左宗棠全集

第十四册

第十四册

左宗棠全集

書牘（三）

左文襄公書牘卷十五

光緒元年乙亥

目錄

與譚文卿方伯

一一七七二

答邵汴生中丞

一一七七二

答江小岷都尉

一一七七四

與袁筱塢少司農

一一七七五

與晉撫鮑華潭中丞

一一七七六

答譚文卿

一一七七八

與沈吉田

一一七八〇

答邵汴生中丞

一一七八一

答吳清卿學使

一一七八二

答吳清卿學使

一一七八三

答邵汴生中丞

一一七八五

答陝撫譚文卿中丞

一一七八六

答張朗齋提軍

一一七八九

與譚文卿中丞

一一七九三

與張朗齋

一一七九五

與史繩之

一一七九七

答沈幼丹

一一七九九

答袁筱塢

一一八〇〇

與金和甫都護

一一八〇一

答譚文卿

一一八〇四

答譚文卿

一一八〇八

與兩江總督劉峴莊制軍

一一八一二

答吳清卿學使

一一八一三

與李筱軒

一一八一六

與王孝鳳理少

一一八一七

答金和甫

一一八一八

答袁筱塢

一一八二一

與劉克庵

一一八二四

與王若農觀察

一一八二五

答曾沅浦宮保

一一八二六

答吳清卿學使

一一八二九

與定靜庵劉毅齋譚冠英金景亭

一一八三〇

與譚冠英

一一八三一

答金和甫

一一八三二

上總理各國事務衙門

一一八三四

與譚文卿

一一八三五

與劉克庵

一一八三九

與陳舫仙廉訪

一一八四二

與湘撫王夔石中丞

一一八四四

答曾沅浦

一一八四六

答劉峴莊

一一八四八

答胡雪巖

一一八五二

答董韞卿大司農

一一八五五

答李筱軒

一一八五七

與譚文卿

一一八五八

答劉克庵京卿

一一八五九

答俄國兵部索思諾福斯齊

一一八六一

答金和甫

一一八六四

答張朗齋

一一八六八

答譚文卿

一一八七〇

答譚文卿

一一八七一

答馮竹儒觀察

一一八七三

答兩廣總督劉峴莊制軍

一一八七五

答張朗齋

一一八七六

與浙藩盧午峰方伯

一一八七八

答楊石泉

一一八七九

答劉克庵

一一八八二

答譚文卿

一一八八四

答李筱軒侍御

一一八八六

答沈吉田

一一八八九

答金和甫

一一八九〇

答金和甫

一一八九二

與譚文卿

一一八九四

與兩江總督沈幼丹制軍

一一八九六

答吳桐雲觀察

一一八九七

答譚文卿

一一九〇〇

與沈吉田

一一九〇二

答吳清卿學使

一一九〇三

答王若農觀察

一一九〇五

答兩江總督沈幼丹制軍

一一九〇六

上總理各國事務衙門

一一九一一

與袁筱塢

一一九二一

答譚文卿

一一九二三

與蜀藩文式巖方伯

一一九二六

答金和甫

一一九二七

與譚文卿方伯

光緒乙亥

龍馭上賓數天之痛接部文今日始克成服數日前天昏地暗慘無人理憂虞萬端曷知紀極溯同治建元之初四海鼎沸十又三年東西南朔甫有甯宇方冀運際中興朝野蒙祐何圖鼎湖龍去莫遂攀號磨息渺然嗣皇繼統古今之變可痛可哀有甚於此時者哉光緒建元已准禮部咨會尙未欽奉明詔雖已遵照出示行知而奏咨公牘一切究無憑署寫未知陝省如何辦法慰安具摺應如何繕寫舊時典章恐有未能盡同者此間案卷全佚如陝西有見聞希由快驛示知爲要中丞公嫺於禮者謁時請其詳示至以爲託河州首要各逆悉數擒解正法旬許以來諸軍

未撤勒令各鄉約頭人按莊村縛獻逸匪分別辦理免兵勇入邨
搜捕以絕擾累或可保數十年無它耳

答邵汴生中丞

奉展尊函敬承一切 龍馭上賓部文奉到謹率同城文武於正
月三日成服哀不自勝痛維 大行皇帝臨御十又三載內奉
兩宮外綏九域 孝思之誠 武德之盛 知人之哲 安民之
仁史冊所載古者帝王盛軌奚有加焉乃大難甫平 宮車宴駕
敷天之痛其孰可忍矧受 恩深重奉職邊陲攀號莫及者乎
新皇入嗣大統 慈聖臨朝 建元光緒諸已奉到部文惟頒
詔之日未見 諭旨想陝中近可奉到矣分闡一摺一片已奉

批回交部議奏果如尊處所聞秦隴中額均有益無損則至幸也
彼塢司農所陳奉到 寄諭後尙未覆奏旋又接其手函呼搶之
餘不及作答司農意疑弟因辯論之餘未免芥蒂無論事關軍儲
轉饋彼此均以節費集事爲是本無意見可爭運道險夷曲直糧
價輕重多寡事在目前驗在指顧非若虛詞之暫難究詰也存意
見者必有所爲弟與司農果何所爲乎若本無所爲則固無所爭
奚取乎筆舌之紛紜也況當此憂虞方殷之際臣僚又何忍徒爭
意氣不顧事理之平弟縱不肖亦當不至此惟旣置身事中則事
有所宜心有所知不敢稍涉遷就自蹈欺罔遇有所見仍當據實
直陳以求無愧 君父無愧此心已耳因明問及此附以奉告河

州一案藏役尙速首要各逆無一漏網自卅里鋪至大東鄉那力寺一帶數十里間幾無遺種辦此案約分四等一首要各逆一甘心從叛犯者無赦一附和一被脅兩等訊明分別辦理免死爲多日聞正飭撤兵招民復業種春麥也知注并聞春雪已得一番月底可耕地入種矣

答江小岷都尉

去秋得手書知己赴京襲爵書中所敘先德交誼大略無誤足見平時畱意先世舊事深可嘉也忠烈行狀其援江西以前事均我所敘後半乃郭筠仙續之姪讀此可略識先德一二爲名人子不易況忠臣名將帥之後乎居京師以慎交游寡言語爲好開戶讀

書尤悔自寡聞姪頗喜飲杯中物能亂性能傷人盡節之尊翁與
吾同歲生吾遲四月姪呼我以叔可也寄百金助吾姪膏火如不
足仍當續寄

與袁筱塢少司農

心中所欲盡者均於覆奏詳之拜發後鈔達冰案同爲一事同此
一心而所見不能無異閣下如實見得是自宜就所見者盡言之
聽 朝廷採擇事前有物理可憑事後有成效可驗無事於爭何
有於忿疊函以弟預存成見未釋芥蒂爲疑似於區區愚衷尙難
盡亮憶自忝預戎事以來與當世賢豪交論涉公事從違可否一
本其所見者坦懷相示未敢稍存意氣之私古云處天下事當以

天下之心出之豈頭白臨邊忽易素志矧當 冲聖踐阼艱虞孔
殷尙復爭辯求勝於心何以爲安車騾安置希定見示知以便飭
屬料理頭兩幫抵蘭日期差弁自己稟悉前途料草已如請發傳
牌計應付可不至誤惟正值解冰架橋時稍有耽閣非金佩璽等
之過初七日祭河橋初八日可過車矣年終一月滿餉原可照部
議騰出惟洋款是否借到尙未接滬局稟故不敢徑諾凡此皆閣
下所能諒者路程單兩件附覽

與晉撫鮑華潭中丞

自頃人天憂愴 匕鬯無驚伏維台候節抑爲 國興居強適至
禱至慰啟者蜀中趙拔貢遠熙緣事安寘翼城已十餘載弟自移

節度隴所部蜀軍人士無不稱其冤抑中江李訓導星根言及至於泪下弟每爲改容然以隔省成案無從平反又非其遷謫之所事關奏咨要件礙難造次但寘之胸臆間而已上年趙遠熙以書來陳訴前事比以虛詞慰遣之茲復以書來干情詞惻惻卻少不平之鳴而值茲 肆赦有期豈宜一夫不獲閣下洗冤澤物爲懷於所部遷客分別奏咨立言較易得體弟已備函牘致之純廉訪乞將全卷呈覽聽候裁酌儻邀照察賜以一言俾窮老孤士免終爲刑戮之民弟固感荷如同身受如實因事多窒礙難以轉圜必須令從戎自贖則軍中書記亦尙乏才弟當調其入幕再思所以處之謹令小胥錄稟批附呈大覽希卓裁示復不宣